



N 1101911

10 ივნისი 2020

სპეციალური პენიტენციური სამსახურის
გენერალურ დირექტორს ბ-ნ გიორგი პატარიძეს

ბატონო გიორგი,

სსიპ „საქართველოს ადვოკატთა ასოციაცია“ გაეცნო თქვენს 2020 წლის 02 ივლისის წერილში ასახულ საკითხებს პენიტენციურ დაწესებულებებში შემსვლელ/გამომსვლელ პირთა პირად არასრულ შემონმებასთან დაკავშირებით, რის თაობაზეც გაცნობებთ შემდეგს:

კონკრეტულ პენიტენციურ დაწესებულებაში პირთა შესვლისა და შემონმების წესები რეგულირდება ამ დაწესებულებათა შესაბამისი დებულებებით. მაგალითისათვის, #8 პენიტენციური დაწესებულების დებულების, რომელიც დამტკიცებულია სასჯელაღსრულებისა და პრობაციის მინისტრის 27.08.2015 წლის #117 ბრძანებით, 64-ე და 64¹-ე მუხლებში განერილია პირადი არასრული და პირადი სრული შემონმების წესები და გვსურს, თქვენი ყურადღება მივაპყროთ რამდენიმე საკითხს.

კერძოდ, გემოაღნიშნული დებულების მიხედვით, პირადი არასრული შემონმება საერთოდ არ ითვალისწინებს პირის შემონმებას რენტგენული დანადგარის მეშვეობით, ხოლო პირადი არასრული შემონმებისას ტანსაცმლისა და ფეხსაცმლის დათვალიერება ხდება გაშიშვლების გარეშე (დებულების 64-ე მუხლის, მე-3 პუნქტი).

ამასთან, ამავე დებულების 64-ე მუხლის მე-5 პუნქტის “ბ” ქვეპუნქტით გათვალისწინებულია პირის არასრული შემონმება ორი ალტერნატიული მეთოდით: (1) “პირს შეეთავაზება, გაიაროს თალურ მეტალმძებნში” ან (2) “მისი არქონის შემთხვევაში, პირი ექვემდებარება ხელით შემონმებას”, რაც როგორც დებულების 64-ე მუხლის მე-3 პუნქტით, ისე 64-ე მუხლის მე-5 პუნქტის “გ” ქვეპუნქტის მიხედვით არ გულისხმობს ფეხის გაშიშვლებას ანდა ფეხსაცმლის გახდას.

ამასთან, პირის არასრული შემონმების უკონტაქტო ფორმა ითვალისწინებს პირის შემონმებას არა რენტგენური დანადგარით/სკანერის აპარატით, არამედ თალური მეტალმძებნით.

გემოაღნიშნული დებულების 64-ე მუხლის მე-8 პუნქტი ნათლად განსაზღვრავს, რომ პირის არასრული შემონმების დროს, რენტგენური დანადგარის გამოყენება შესაძლებელია მხოლოდ პირის თანმქონი ნივთების შემონმების მიზნით. უფრო მეტიც, ამავე დებულების 22-ე მუხლის მე-16 პუნქტში, რომელიც ეხება ბრალდებულის/მსჯავრდებულის შემონმებას, პირდაპირაა მითითებული, რომ “რენტგენის აპარატურის გამოყენება დასაშვებია მხოლოდ ტანსაცმლისა და ნივთიერების შემონმებისას”.

სასჯელაღსრულებისა და პრობაციის მინისტრის 27.08.2015 წლის #117 ბრძანებით დამტკიცებული დებულება რენტგენური დანადგარის/სკანერის აპარატის გამოყენების შესაძლებლობას ითვალისწინებს მხოლოდ პირის სრული შემონმების დროს, რასაც თავისი წინაპირობები გააჩნია. როგორცაა მაგალითად: (ა)... თალური მეტალმძებნის სიგნალიზაციის განმეორებით ამოქმედება; (ბ)... ობიექტური პირის დასაბუთებული ვარაუდი აკრძალული ნივთის დაწესებულებაში შეტანის განზრახვის თაობაზე და ა.შ. (დებულების 64¹-ე მუხლის 1-ლი პუნქტი).

ბოლო დღეების განმავლობაში, ადვოკატთა ასოციაციას არაერთმა ადვოკატმა მომართა, რომლებიც აღწერენ პენიტენციურ დაწესებულებებში (მაგალითად, ქუთაისის #2 პენიტენციური დაწესებულება) შესვლისას, პირადი არასრული შემონმების უხერხული ფორმებისა და მეთოდების გამოყენების ფაქტებს, რაც გამოიხატება დაწესებულების უფლებამოსილი თანამშრომლის მიერ ადვოკატისათვის ფეხსაცმლის გახდის მოთხოვნაში. აღნიშნული კი, როგორც ზემოთ განხილული დებულების ანალიზით ირკვევა, გახლავთ პირადი არასრული შემონმების წესის შეუსაბამო.


შემონმების ალტერნატიული/უკონტაქტო მეთოდის სახით პენიტენციური დაწესებულების თანამშრომლები ადვოკატებს სთავაზობენ რენტგენური აპარატის/სკანერის გამოყენებას, რაც აგრეთვე არაა გათვალისწინებული კანონმდებლობით პირადი არასრული შემონმების დროს და შესაბამისად კანონშეუსაბამოა, რადგანაც დებულება აღნიშნული მეთოდისათვის ითვალისწინებს მეტალმძებნის და არა რენტგენის აპარატის გამოყენებას.

ამდენად, მიგვაჩნია, რომ მსგავსი ხასიათის პროცედურები უპირველეს ყოვლისა ეწინააღმდეგება თავად პენიტენციური სამსახურის მიერ დამტკიცებულ რეგულაციებს, დაწესებულებებში შემსვლელთა შემონმების კანონმდებლობით გათვალისწინებულ წესებს და შეიძლება მიჩნეულ იქნას, როგორც ადვოკატთა პროფესიული ღირსების შემლახველ ქმედება.

ამასთან, რადგანაც ზოგიერთი პენიტენციური დაწესებულების დებულება სრული შემონმების დროს ითვალისწინებს რენტგენური დანადგარის/სკანერის აპარატის გამოყენებას, იმის გათვალისწინებით, რომ ადვოკატებს დღის განმავლობაში უხდებათ მათი დაცვის ქვეშ მყოფ პირთა არაერთგზის მონახულება, გთხოვთ, წარმოგვიდინოთ სსიპ „ბერთველი და რადიაციული უსაფრთხოების სააგენტოს“ მიერ ჩატარებული კვლევების და მიღებული დასკვნების დეტალური დოკუმენტაცია, რომელიც დაადასტურებს, რომ სრული შემონმების დროს, დაწესებულებებში განთავსებული რენტგენის /სკანერის დანადგარის ხშირი გამოყენება არის უსაფრთხო, არ ახდენს მავნე ზემოქმედებას ადვოკატის ჯანმრთელობაზე და ამ კუთხით არ იწვევს რაიმე გართულებებს.

გთხოვთ, პირად კონტროლზე აიყვანოთ აღნიშნული საკითხი და უზრუნველყოთ, რომ ადვოკატის მიმართ პენიტენციურ დაწესებულებებში თავისი უფლებამოსილების განხორციელებისას არ იქნას გამოყენებულ პირადი შემონმების კანონშეუსაბამო და ღირსებისშემლახველი წესები, ხოლო ტექნიკური დანადგარები არ ახდენდეს მავნე გავლენას ადამიანის ჯანმრთელობაზე.

პატივისცემით,



დავით ასათიანი

თავმჯდომარე